

## - Izvještaj o radu Uprave policije za period januar – septembar 2011.godine -

### KRIIMINALITET

Ministarstvo unutrašnjih poslova Kantona Sarajevo je tokom prvih devet mjeseci 2011. godine realizovalo poslove i zadatke iz svoje nadležnosti, kao i druge poslove i zadatke koje je sigurnosna situacija nametala kao prioritete. Prevencija u oblasti kriminaliteta, javnog reda i mira, te saobraćaja bili su prioritetni poslovi i zadaci, a operativne aktivnosti policije na otkrivanju krivičnih djela i njihovih izvršilaca, počinitelja teških prekršaja iz oblasti javnog reda i mira, kao i represivne mjere u domenu kontrole i regulisanja saobraćaja bili su poslovi i zadaci koji su se provodili kontinuirano. Koordiniranim radom svih organizacionih jedinica postignuti su zadovoljavajući rezultati.

#### 1.1. STATISTIČKI PRIKAZ STANJA KRIMINALITETA

*Stanje kriminaliteta na području Kantona Sarajevo u periodu januar - septembar 2011. godine u odnosu na period januar – septembar 2010. godine, posmatrano kroz statističke pokazatelje, karakteriše smanjenje broja, registrovanih djela za 1%, dok je povećan broj prijavljenih lica za 5,8%, maloljetnih izvršilaca za 53,2%, povratnika u činjenju krivičnih djela za 1,2% i lica lišenih slobode za 18,9%.*

U periodu januar – septembar 2011. godine, registrovano je 5.385 krivičnih djela, što je za 55 djela ili 1% manje u odnosu na uporedni period.

U 1.447 slučajeva (26,9% od ukupnog broja krivičnih djela), krivična djela su izvršena od strane poznatih izvršilaca, a 3.938 krivičnih djela (ili 73,1%), prijavljeno je po nepoznatom učiniocu, od kojih su za 1.817 naknadno identifikovani počinioci (ili 46,1% od ukupnog broja prijavljenih djela po nepoznatom učiniocu), što znači da je u izvještajnom periodu, za ukupno 3.264 krivična djela identifikovan osumnjičeni počinilac ili 60,6% (za 2,3% manje).

Za izvršenje navedenih djela prijavljeno je 2.621 lice, od kojih je 1.738 povratnika (ili 66,3% prijavljenih), a 1.197 lica je lišeno slobode (ili 45,6%).

U odnosu na uporedni period, povećan je broj prijavljenih lica, za 145 (ili 5,8%), povratnika za 21 (ili 1,2%) i lica lišenih slobode za 191 (ili 18,9%).

U ovom periodu za 1.534 službena izvještaja, od strane Kantonalnog tužilaštva, donesena je odluka o obustavi i neprovođenju krivičnog postupka (40 ili 2,7% više).

Uporedni pokazatelji stanja kriminaliteta na području Kantona Sarajevo u periodu januar – septembar 2011/10. godine prema glavama Krivičnog zakona FBiH-a i BiH-a

KRIVIČNA DJELA	jan.-sept 2011.	jan.-sept. 2010.	uporedba br.KD	“rasvjetlj enost”	br. KD	%
			+ / -	%		
Protiv ustavnog poretka Federacije	3	0	3	----	2	66, 7 %
Protiv života i tijela	142	132	10	7,6%	131	92, 3 %

Protiv slobode i prava čovjeka i građanina	175	186	-11	-5,9%	171	97,7%
Protiv spolne slobode i morala	20	18	2	11,1%	17	85%
Protiv braka, porodice i mladeži	169	194	-25	-12,9%	169	100%
Protiv zdravlja ljudi	161	131	30	22,9%	161	100%
Protiv privrede, poslovanja i sigurnosti pla.	10	5	5	100%	10	100%
Iz oblasti poreza	0	1	-1	---	0	---
Protiv imovine	4.138	4.251	-113	-2,7%	2091	50,5%
Protiv okoliša	5	8	-3	-37,5%	2	40%
Protiv opće sigurnosti ljudi i imovine	118	85	33	38,8%	72	61%
Protiv sigurnosti javnog prometa	59	45	14	31,1%	59	100%
Protiv pravosuđa	15	25	-10	-40%	20 <sup>1</sup>	133,3%
Protiv javnog reda i pravnog prometa	267	269	-2	-0,7%	256	95,9%
Protiv podmić. i kd protiv sl. i druge odgo.	14	13	1	7,7%	14	100%
Protiv sistema elektronske obrade podataka	0	1	-1	---	0	---
Protiv privrede i jedin. tržišta te (KZBiH)	2	11	-9	-81,8%	2	100%
ZOSNINPNSP-a (Sl.novine KS br.7/07)	0	2	-2	---	0	---
ZONDINOM-a (Sl.novine KS br.38/07)	87	63	24	38,1%	87	100%
<b>UKUPNO</b>	<b>5.385</b>	<b>5.440</b>	<b>-55</b>	<b>-1%</b>	<b>3.264</b>	<b>60,6%</b>

## 1.2. PREGLED KRIVIČNIH DJELA PO OBLASTIMA

### 1.2.1. KRIVIČNA DJELA PROTIV ŽIVOTA I TIJELA

---

Tokom izvještajnog perioda prijavljena su 142 krivična djela protiv života i tijela (10 više u odnosu na isti period 2010. godine) od kojih je za 131 ili 92,3% poznat učinilac.

Zbog postojanja osnova sumnje da su ih počinili podneseni su službeni izvještaji protiv 180 lica (24 više), a 78 je lišeno slobode (31 više).

Evidentirana su slijedeća krivična djela: - ubistvo iz člana 166. KZFBiH-a – četiri djela (u uporednom periodu registrovana su dva ubistva i jedno djelo ubistvo na mah iz člana 167. KZ FBiH-a), ubistvo u pokušaju – 17 djela (11 više), teška tjelesna ozljeda – 73 (tri više), lahka tjelesna ozljeda – 41 (četiri manje) i učestvovanja u tuči – sedam djela (isti broj).

Krivična djela ubistva su izvršena premlaćivanjem - dva puta, te upotrebom noža i gušenjem po jednom.

Krivična djela ubistvo u pokušaju (17 djela) izvršena su upotrebom vatrenog oružja – šest puta, upotrebom noža – deset i fizičke snage - jednom.

#### 1.2.3. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 175 djela (11 manje) i to: ugrožavanje sigurnosti – 167 djela, protupravno lišenje slobode – pet i narušavanje nepovredivosti doma – tri djela. Zbog izvršenja navedenih djela prijavljeno je 158 lica od kojih je 90 povratnika u činjenju krivičnih djela (ili 56,9%), a 23 su lišena slobode. Sva djela ugrožavanja sigurnosti počinjena su upućivanjem verbalnih prijetnji koje su izazvale uznemirenje oštećenih.

#### 1.2.4. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je 20 djela (dva više) i to: bludne radnje – 11 djela, silovanje – pet, iskorištavanje djeteta ili maloljetnika radi pornografija – dva, silovanje u pokušaju i zadovoljenje pohote pred djetetom ili maloljetnikom – po jedno djelo. Za izvršenje djela iz ove oblasti prijavljeno je 19 lica, koja su uz službene izvještaje predata nadležnom tužilaštvu.

#### 1.2.5. KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 169 krivičnih djela (25 manje) - nasilje u porodici. Službeni izvještaji podneseni su protiv 170 lica od kojih je 91 lišeno slobode.

#### 1.2.6. KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi prijavljeno je 161 krivično djelo (30 više) i to:

- neovlašćena proizvodnja i stavljanje u promet opojnih droga – 39 djela (23 više) i
- posjedovanje i omogućavanje uživanja opojnih droga – 122 djela (sedam više).

Zbog postojanja osnova sumnje da su ih počinili podneseni su službeni izvještaji protiv 179 lica (41 više), od kojih su 122 povratnika ili 68,2%, a 73 su lišena slobode (tri manje).

Po nalogu tužilaca Kantonalnog tužilaštva Kantona Sarajevo podneseno je 175 zahtjeva (šest više) za vještačenje nepoznate materije koja asocira na drogu. Takođe s ciljem pronalaženja narkotičkih sredstava izvršen je pregled 121 lica (22 više), 59 stambenih objekata (pet manje) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	JANUAR-SEPTEMBAR 2011. GODINE	JANUAR-SEPTEMBAR 2010. GODINE
Marihuana (u gramima)	56.815,00	1.004,351
Marihuana (paketići)	385	144
Marihuana (JOINT–cigarete,kom.)	15	16
Heroin (paketići)	35	48
Heroin (u gramima)	2.758,00	6.629,71
Ecstasy (tablete)	28	47
Cannabis sativa (stabljike)	24	56
Kokain (u gramima)	35	28,361
Kokain (paketići)	26	3
Amfetamin (u gramima)	3.928,00	90,193
Amfetamin (paketići)	131	44
Metadon – solucija	---	2-3 ml
“miks masa”	6.000,00	40.220,66
Pribor sa ostacima droge	54	62

*U ovom periodu pripadnici Uprave policije sproveli su niz efikasnih akcija na presijecanju “lanaca” trgovine opojnim drogama, u kojim su zaplijenili veće količine opojnih droga (Marihuana - 56,815 kg, Heroin - 2,758 kg, Amfetamin - 2.758 kg, itd.) i identifikovano i slobode lišeno ukupno 57 lica (iz člana 238. KZ FBiH-a) i*

#### 1.2.7. KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljeno je deset djela (pet više) i to obmana pri dobijanju kredita ili drugih pogodnosti – sedam i krivotvorenje znakova za obilježavanje roba mjera i utega – tri djela, za čije izvršenje je prijavljeno devet lica.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to: krivotvorenje isprave – 13 djela, prijevara – sedam, nesavjestan rad u službi – pet, zloupotreba položaja ili ovlaštenja – tri , krivotvorenje novca – dva, itd., a koja su prijavljena u ovom periodu, nastupila je materijalna šteta u ukupnom iznosu od 401.798,81 KM.

Pregled nastale materijalne štete izvršenjem krivičnih djela iz oblasti protiv „privrede“

“SUBJEKTI”	NOVČANI IZNOS
PRIVREDNI SUBJEKTI	195.399,82 KM
BUDŽET FBiH	92.900,00 KM

FIZIČKA LICA	113.498,99 KM
UKUPNO	401.798,81 KM

#### 1.2.8. KRIVIČNA DJELA PROTIV IMOVINE

U ovoj oblasti registrovano je 4.138 djela što je za 113 ili 2,7% manje. Broj krivičnih djela iz ove oblasti čini 76,8% ukupnog kriminaliteta što predstavlja smanjenje u odnosu na uporedni period za 1,3%, kada su „imovinski delikti“ činili 78,1% ukupnog kriminaliteta.

Najbrojnija djela iz ove oblasti su: teške krađe – 2.796 (39 manje), krađe – 590 (12 manje), razbojništva – 324 (10 više), oštećenje tuđe stvari – 146 (13 više), teška krađa u pokušaju – 92 (47 manje), prikrivanje – 58 (sedam više), prijevarena – 48 (16 manje), utaja – 26 (25 manje), itd.

Za ukupno 2.091 djelo ili 50,5% identifikovan je osumnjičeni počinitelj, što je u odnosu na isti period prethodne godine, smanjenje za 3,1%.

Objekti vršenja krivičnih djela protiv imovine najčešće su bili stambeni objekti – 1.135 puta (312 više) motorna vozila 851 (518 manje), poslovni prostori i prodavnice – 526 (138 više), ulica – 240 (36 više), itd., pri čemu je otuđivan novac, motorna vozila, tehnička roba, zlatni nakit, auto-dijelovi, itd.

Tokom izvještajnog perioda na području Kantona Sarajevo izvršeno je 401 krivično djelo teških krađa motornih vozila, od čega je 120 ili 29,9% vraćeno što je za 10,2% više u odnosu na isti period prošle godine. Od strane policije MUP Kantona Sarajevo vraćeno je 35 vozila, MUP RS-a – 21, drugih MUP-ova – 14, uz novčanu nadoknadu – šest, a 44 vozila vlasnici su sami pronašli.

U odnosu na uporedni period broj otuđenih vozila, značajno je smanjen i to za 268 vozila ili 40,1%.

U ovom periodu, zbog postojanja osnova sumnje da su počinili ukupno 344 krivična djela razbojništva, razbojničke krađe i pokušaj istih službenici policije su Kantonalnom tužilaštvu podnijeli službene izvještaje protiv ukupno 142 lica (12 više) od kojih je 108 povratnika u vršenju krivičnih djela (ili 76,1%), a 93 su lišena slobode (18 više).

Razbojništva i razbojničke krađe su najčešće činjena na ulici, u prodavnicama, sportskim kladionicama, a predmeti otuđenja su uglavnom bili mobiteli, novac, nakit, tašne, itd. Prema načinu izvršenja, najveći broj razbojništava i razbojničkih krađa izvršen je prijetnjom upotrebe noža, zatim prijetnjom pištoljem i upotrebom fizičke snage.

Za ukupno 165 ovih djela ili 48% identifikovan je osumnjičeni počinitelj što je za 2% manje.

Nasilno oduzimanje mobitela i nakita direktno se odražava i na broj teških krađa na naročito opasan ili naročito drzak način. U ovom periodu evidentirano je 339 djela ove vrste (60 više), od čega je 109 ili 52,2% „rasvjetljeno“, što je 5,1% manje.

Za izvršenje ovih oblika teških krađa, prijavljena su 92 lica, od kojih je 75 povratnika (ili 81,5%), a 52 su lišena slobode.

#### 1.2.9. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 118 djela (33 više) i to: izazivanje opće opasnosti – 106 djela, nesavjesno čuvanje pasa i drugih opasnih životinja – šest, teška djela protiv opće

sigurnosti ljudi i imovine – pet djela i izazivanje opće opasnosti u pomaganju – jedno djelo.

Krivična djela izazivanja opće opasnosti izvršena su na otvorenom prostoru – 87 puta, u stambenim objektima – devet, ugostiteljskim objektima – četiri, poslovnim prostorima – dva puta, te u prostorijama policijske stanice, tramvaju, garaži i štali – po jednom. U 27 slučaja aktivirana je nepoznata eksplozivna naprava, 42 puta je pucano iz vatrenog oružja, 35 puta je otvorenim plamenom izazvan požar, a po jednom je prijećeno aktiviranjem ručne bombe odnosno došlo je do aktiviranja strujnog udara. Posljedica izvršenja navedenih djela je ranjavanje devet lica i nastala materijalna šteta.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 72 lica, od čega su 53 povratnika (ili 73,6%), a 50 je lišeno slobode.

#### 1.2.10 KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 267 krivičnih djela (dva manje) i to: nasilničko ponašanje – 130 djela, krivotvorenje isprave – 45, nedozvoljeno držanje oružja ili eksplozivnih materija – 37, napad na službenu osobu u vršenju poslova sigurnosti – 28, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 325 lica, od kojih su 192 povratnika (ili 59,1%), a 164 su lišena slobode.

#### 1.3. KRIVIČNA DJELA POČINJENA OD STRANE MALOLJETNIH IZVRŠILACA

U proteklih devet mjeseci ove godine, maloljetna lica su učestvovala u izvršenju 377 krivičnih djela (39 ili 11,5% više). Za izvršenje ovih djela prijavljena su 193 maloljetnika (67 ili 53,2% više). Među prijavljenim maloljetnim izvršiocima, 28 je djece do 14 godina, 96 je u dobi između 14 i 16 godina, a 69 su u dobi između 16 i 18 godina.

Pregled broja maloljetnih izvršilaca krivičnih djela prema starosnoj strukturi za period januar- septembar 2011. godine

Starosna dob maloljetnika	do 14 g	14 -16	16-18	ukupno
Broj maloljetnih izvršilaca	28	96	69	193

Karakteristično je da su maloljetnici koji su prvi put registrovani brojniji od povratnika u izvršenju krivičnih djela, posebno ako se ima u vidu da su sve do sada povratnici bili brojniji. U proteklih devet mjeseci, 124 maloljetnika prijavljena su prvi put, a 69 je povratnika u izvršenju krivičnih djela (ili 35,8%). U istom periodu prošle godine omjer između povratnika i onih koji su prvi put prijavljeni bio je podjednak.

Podaci sa kojima raspolazemo ukazuju na raznolikost krivičnih djela u čijem izvršenju su učestvovali maloljetnici: od ubistva u pokušaju do krađe metalnih kolica za prevoz robe u supermarketu

Ipak, najbrojnija su krivična djela protiv imovine- 298 (ili 79%) pri čemu prevladavaju teške krađe, razbojništva, teške krađe na naročito opasan ili naročito drzak način (u daljem tekstu “drska” krađa), te krađe. Razbojništva (60 djela) i „drske“ krađe (59 djela) izvršena su na sljedeći način:

- Prijetnja pištoljem/vatrenim oružjem-10 (u jednom slučaju plastični pištolj);
- Prijetnja nožem/čakijom-35;
- Otimanje iz ruke (mobitel) ili trganje sa vrata (lančić/ogrlica)-25;
- Ozbiljne verbalne prijetnje-21;
- Prijetnja šarafcigerom, metalnom šipkom i nepoznatim predmetom-11, i td.

Iz oblasti protiv života i tijela izvršeno je 18 djela, a radi se o ubistvu u pokušaju (dva djela koja je počinio S.R.-r. 1993. godine), nanošenju teške tjelesne povrede (devet djela), nanošenju lahke tjelesne povrede (šest djela) i učestvovanju u tuči (jedno djelo). Zbog krivičnog djela nasilničkog ponašanja podneseno je 16 službenih izvještaja, a zbog izazivanja opće opasnosti podneseno je šest službenih izvještaja.

U proteklom periodu podneseni su službeni izvještaji nadležnom tužilaštvu protiv 10 maloljetnih lica zbog krivičnog djela posjedovanja opojne droge (jedan manje u odnosu na isti period 2010. godine), a protiv 16 maloljetnika podneseni su službeni izvještaji zbog krivičnog djela ugrožavanja sigurnosti (povećanje za 12 ili 300%).

Pregled registrovanih krivičnih djela izvršenih od strane maloljetnih lica  
za period januar- septembar 2011/2010. godine

Naziv krivičnog djela	januar- septembar 2011.	januar- septembar 2010.	Upo redb a
Ubistvo u pokušaju	2	1	+1 ili 100 %
Teška tjelesna povreda	9	8	+1 ili 12,5 %
Lahka tjelesna povreda	6	5	+1 ili 20%
Učestvovanje u tuči	1	0	+1
Ugrožavanje sigurnosti	16	4	+12 ili 300 %
Bludne radnje	1	1	0
Iskorištavanje djeteta ili mladb radi pornografije	1	0	+1
Nasilje u porodici	4	4	0
Neovlaš. proizvod. i stav. u promet opojnih droga	0	2	-2 ili -

			100 %
Posjedov. i omoguć. uživanja opoj. droga	10	11	-1 ili - 9,1 %
Krađa	48	16	+32 ili 200 %
Teška krađa	101	121	-20 ili - 16,5 %
Teška krađa-pokušaj	12	21	-9 ili - 42,9 %
„Drška “ krađa	59	33	+26 ili 78,8 %
„Drška“ krađa-saučiniteljstvo	2	0	+2
Razbojništvo	60	59	+1 ili 1,7 %
Razbojništvo- pokušaj	5	5	0
Oštećenje tuđe stvari	8	12	-4 ili - 33,3 %
Utaja	2	1	+1 ili 100 %
Oduzimanje tuđe pokretnine	0	1	-1 ili - 100 %
Prijevvara	0	1	-1 ili - 100 %
Pripremanje krivičnog djela	0	1	-1 ili - 100 %
Pomoć učinitelju poslije učinjenog krivičnog djela	1	0	+1
Paljevina	1	3	-2 ili - 66,7 %
Mučenje i ubijanje životinja	0	1	-1 ili -



			100 %
Izazivanje opće opasnosti	6	7	-1 ili - 14,3 %
Napad na sl. osobu u vršenju poslova sigurnosti	0	2	-2 ili - 100 %
Nasilničko ponašanje	16	8	+8 ili 100 %
Nedozvoljeno držanje oružja i eksp. Materija	0	3	-3 ili - 100 %
Nedozv.držanje oružja i eksp. Materija-pomaga.	0	1	-1 ili - 100 %
Krivotvorenje isprave	2	0	+1
Sprečavanje dokazivanja	0	1	-1 ili - 100 %
Povreda mira pokojnika	1	0	+1
Krivotvorenje novca (čl.205 KZ BiH)	0	2	-2 ili - 100 %
ZONDINOM (čl. 52)	3	3	0
ukupno	377	338	+39 ili 11,5 %

Pored povećanja ukupnog broja krivičnih djela koja su izvršili maloljetnici, karakteristično je da je došlo do povećanja broja krivičnih djela iz oblasti protiv života i tijela, odnosno izvršena su dva pokušaja ubistva (u istom periodu 2010. godine jedno djelo), broj teških tjelesnih povreda povećan je za jedan (ili 12,5%), a lakih tjelesnih povreda takođe za jedan (ili 20%).

Među djelima protiv imovine prevladavaju teške krađe- ukupno 101 djelo, zatim razbojništva-60, „drske“ krađe- 59 djela, te krađe-48 djela. U odnosu na uporedni period prošle godine, u proteklih devet mjeseci znatno je povećan broj krivičnih djela krađa (za 32 ili 200%) i „drskih“ krađa (za 26 ili 78,8%), dok je istovremeno znatno smanjen broj krivičnih djela teških krađa (za 20 ili 16,5%).

#### **1.4. OSTALA PROTIVPRAVNA I ASOCIJALNA PONAŠANJA**

##### **1.4.1. AKTIVIRANJE MINSKO-EKSPLOZIVNIH SREDSTAVA**

U periodu januar-septembar 2011. godine registrovano je 29 slučajeva aktiviranja minsko-eksplozivnih sredstava (19 ili 190% više u odnosu na isti period 2010. godine). U jednom slučaju aktiviranja nepoznate eksplozivne naprave koji se desio prilikom čišćenja kruga firme i sagorijevanja otpada, povrijeđeno je jedno lice, a u ostalim slučajevima koji su namjerno izazvani, nastupila je materijalna šteta na stambenim i poslovnim objektima i na putničkim vozilima. Eksplozije su se dogodile na području općina: Novi Grad -devet, Novo Sarajevo- osam, Stari Grad- pet, Centar- četiri, Ilidža, Vogošća i Ilijaš-po jedna. U sedam slučajeva izvršiooci su identifikovani i protiv njih su preduzete zakonske mjere, a prema dosadašnjim saznanjima, postoje indicije da su tri slučaja aktiviranja eksplozivnih sredstava na području općina Novi Grad i Novo Sarajevo posljedica međusobnog sukobljavanja nekolicine lica.

U proteklom periodu prijavljena su dva slučaja bacanja flaše sa zapaljivom materijom- na vrata ugostiteljskog objekta i na ulicu (nije se zapalila) i bacanja ručne bombe na ulicu, koja nije aktivirana.

Službenici policije su izvršili uviđaj u naselju Pofalići, općina Novo Sarajevo, gdje je pronađena neeksplozivna avionska bomba. Tom prilikom utvrđeno je da je navedena bomba dovezena, najvjerojatnije 19.septembra.2011. godine od strane autoprevoznika koji je dovezao zemlju na nasip privatnog posjeda, odakle se otkotrljala oko 100 metara niz nagnutu poljoprivrednu površinu, gdje se zaustavila.

U proteklom periodu registrovano je 30 anonimnih dojava o postavljenoj eksplozivnoj napravi (u istom periodu prošle godine 14) od kojih se većina odnosila na srednje škole. Nakon izvršenog KDZ pregleda utvrđeno je da su dojave bile lažne. U 10 slučajeva izvršiooci su identifikovani, a među njima je šest maloljetnika.

#### 1.4.2. POŽARI

Tokom perioda januar-septembar 2011. godine, na području Kantona Sarajevo registrovano je 118 požara (šest manje), u kojima je jedno lice poginulo, a tri lica lakše povrijeđena.

Prema statističkim pokazateljima, 54 požara su izazvana namjerno, 21 je prouzrokovan zbog tehničkih nedostataka, sedam nehatom, dok uzrok 36 požara spada u kategoriju ostalih.

Zbog izazivanja požara, nadležnom tužilaštvu su podnesena 42 službena izvještaja: 35 iz člana 323 KZ FBiH (izazivanje opće opasnosti) i sedam iz člana 301 KZ FBiH (paljevina).

#### 1.4.3. SAMOUBISTVA

Tokom prvih devet mjeseci 2011. godine na području Kantona Sarajevo registrovano je 26 samoubistva (18 ili 40,9% manje), počinjena od strane 18 muškaraca i osam žena i to na slijedeće načine: vješanjem – 12 puta, upotrebom vatrenog oružja i skakanjem sa visine – po šest i trovanjem – dva puta.

## 2. JAVNI RED I MIR

Zbog raznih oblika narušavanja javnog reda i mira službenici policije su u proteklih devet mjeseci 2011. podnijeli ukupno 5.149 prekršajnih naloga i zahtjeva za pokretanje

prekršajnog postupka (naloga-3.319, zahtjeva-1.830), što u odnosu na isti period 2010. godine predstavlja smanjenje za 93 ili 1,8%. Prekršajne sankcije preduzete su protiv 5.585 lica (144 ili 2,5% manje). Od ukupnog broja prekršajnih naloga i zahtjeva, 4.605 ili 88,5% odnosi se na prekršaje utvrđene Zakonom o prekršajima protiv javnog reda i mira, a 544 ili 11,5% na prekršaje utvrđene Odlukom općinskih vijeća o javnom redu i miru.

Službenici policije MUP-a Kantona Sarajevo su i u proteklih devet mjeseci ove godine preduzimali preventivne i represivne aktivnosti u cilju održavanja povoljnog stanja javnog reda i mira, s čim u vezi su vršeni obilasci ugostiteljskih objekata, preduzimane aktivnosti na sprečavanju neovlaštene ulične prodaje kupona za gradski prevoz, na zaštiti putnika i osoblja preduzeća KJKP GRAS, na sprečavanju i sankcionisanju prekršaja koji se čine prosjačenjem i dr.

Pregled broja uručenih/podnesenih naloga i zahtjeva za pokretanje prekršajnog postupka za period januar-septembar 2011. godine, po mjesecima

jan.-septem. 2011.	prekršajni nalozi	zahtjevi za ppp	ukupno
januar	330	128	458
februar	283	179	462
mart	327	222	549
april	352	192	544
maj	311	238	549
juni	480	245	725
juli	393	157	550
avgust	405	234	639
septembar	438	235	673
ukupno	3.319	1.830	5.149

Od ukupnog broja podnesenih naloga i zahtjeva, 493 ili 9,6% se odnose na lica koja su i ranije činila prekršaje (povratnici), 149 ili 2,9% na maloljetna lica i sedam ili 0,1% na strane državljane.

S obzirom na starosnu strukturu lica protiv kojih su u proteklih devet mjeseci ove godine uručeni prekršajni nalozi i podneseni zahtjevi za pokretanje prekršajnog postupka (ukupno 5.585), najveći broj je onih starosne dobi preko 36 godina (2.754), zatim starosti između 26 i 35 godina (1.600) i između 19 i 25 godina (1.069), te maloljetnih lica (162), koja su prekršaje činila uglavnom tučom i naročito drskim ponašanjem.

Prilikom narušavanja javnog reda i mira u periodu januar-septembar 2011. godine, u slučajevima kada se radilo o prekršajima, nje bilo teže povrijeđenih ( u istom periodu 2010. godine jedno), dok su lakše povrijeđena 372 lica (sedam ili 1,9% više).

U strukturi prekršaja zbog kojih su u periodu januar-septembar 2011. godine podneseni prekršajni nalozi i zahtjevi za pokretanje prekršajnog postupka prevladavaju prekršaji činjeni prosjačenjem (1.816 ili 35,3% od ukupnog broja), tučama ili fizičkim napadima (895 ili 17,4%), naročito drskim ponašanjem (781 ili 15,2%), te odbijanjem naređenja i omalovažavanjem policijskih službenika (369 ili 7,2%). Zbog prekršaja učinjenih svadom, vikom i nepristojnim ponašanjem podnesen je 141 nalog i zahtjev, zbog paljenja petardi osam, a zbog ostalih prekršaja podnesena su 594 naloga i zahtjeva.

Tabelarni pregled strukture prekršaja iz oblasti javnog reda i mira za koja su uručeni prekršajni nalози i podneseni zahtjevi za pokretanje prekršajnog postupka za period januar-septembar 2011./2010.godina

STRUKTURA PREKRŠAJA	jan.-sept. 2011.	jan.-sept. 2010.	uporedba
-Tuče i fizički napadi	895	808	+87 ili 10,8%
-Naročito drsko ponašanje	781	754	+27 ili 3,6%
-Odbijanje naređenja i omalov. služb. policije	369	377	-8 ili -2,1%
-Svađa, vika, nepristojno ponašanje	141	145	-4 ili -2,8%
-Neovlaštena upotreba oružja	1	0	+1
-Paljenje petardi	8	11	-3 ili -27,3%
-Prosjačenje	1.816	1.964	-148 ili -7,5%
-Ostali prekršaji iz Zakona o prekrš. protiv JRiM	594	637	-43 ili -6,8%
Prekršaji prema Odluci OV o JRiM	544	546	-2 ili -0,4%
Ukupno	5.149	5.242	-93 ili -1,8%

U poređenju sa istim periodom prošle godine, povećan je broj prekršajnih sankcija zbog prekršaja izvršenih tučom, naročito drskim ponašanjem i zbog neovlaštene upotrebe oružja.

Prema mjestu izvršenja, a na osnovu broja uručenih naloga i podnesenih zahtjeva, najviše prekršaja učinjeno je na ulici i na drugim otvorenim prostorima (4.289 ili 83,3% naloga i zahtjeva), a znatno manje u ugostiteljskim objektima (327 ili 6,4%), u vozilima javnog saobraćaja (43 ili 0,8%), u ili ispred škola (30 ili 0,6%), trgovinskim radnjama (22 ili 0,4%) i sportskim terenima (10 ili 0,2%). Zbog prekršaja izvršenih na ostalim mjestima (parkovi, prostor ispred prodavnica i drugi prostori na kojima se nedozvoljeno konzumira alkohol, vrši nedozvoljena prodaja i dr.), podneseno je 428 ili 8,3% naloga i zahtjeva.

Tabelarni pregled broja uručenih/podnesenih naloga i zahtjeva iz oblasti javnog reda i mira prema mjestu izvršenja u periodu januar-septembar 2011./2010. godine

MJESTO IZVRŠENJA	januar-septembar 2011.	januar-septembar 2010.	uporedba jan.-sep.11/10
Ulice i drugi otvoreni prostori	4.289	4.307	-18 ili -0,4%
Ugostiteljski objekti	327	261	+66 ili 25,3%
Sportski stadioni i dvorane	10	114	-104 ili -91,2%
Vozila javnog saobraćaja	43	36	+7 ili 19,4%
Škole (školska dvorišta)	30	41	-11 ili -26,8%
Trgovinske i zanatske radnje	22	44	-22 ili -50%

Ostala mjesta	428	439	-11 ili - 2,5%
UKUPNO	5.149	5.242	-93 ili 1,8%

U odnosu na period januar-septembar 2010. godine, povećan je broj prekršajnih sankcija zbog prekršaja kojima se narušava javni red i mir u ugostiteljskim objektima (za 25,3%) i u vozilima javnog saobraćaja (za 19,4%).

U proteklih devet mjeseci ove godine, službenici policije su zbog narušavanja javnog reda i mira u ili ispred škola podnijeli 30 naloga i zahtjeva (11 ili 26,8% manje), protiv 35 lica, među kojima je 15 maloljetnika, a zbog krivičnih djela izvršenih na ovom lokalitetu, podneseno je 30 službenih izvještaja nadležnom tužilaštvu (četiri više).

### 3. SIGURNOST SAOBRAĆAJA

U periodu januar-septembar 2011 godine, stanje sigurnosti saobraćaja karakteriše povećanje ukupnog broja saobraćajnih nezgoda, broja nezgoda sa materijalnom štetom i sa nastradalim licima, kao i broja nastradalih lica.

Registровано je 7.117 saobraćajnih nezgoda (213 ili 3,1 % više), 6.483 sa materijalnom štetom (153 ili 2,4 % više) i 634 sa nastradalim licima (60 ili 10,4 više).

U naselju je registrovano 6.836 saobraćajnih nezgoda (21 sa poginulim, 563 sa povrijeđenim licima i 6.252 sa materijalnom štetom), van naselja 281-na nezgoda (jedna sa poginulim, 49 sa povrijeđenim licima i 231 sa materijalnom štetom).

Registrovane su 1.193 saobraćajne nezgode na raskrsnicama u naselju, 71 na raskrsnicama van naselja, 10 na pješačkom prelazu, 10 na mostu, četiri na prelazu preko željezničke pruge, jedna na nadvožnjaku, jedna na podvožnjaku i 5.827 saobraćajnih nezgoda čije se karakteristike ubrajaju u kategoriju ostalih.

Usporedni pokazatelji stanja sigurnosti saobraćaja na području Kantona Sarajevo januar-septembar 2011/2010.godina

	2011	2010	+ - %
<i>UKUPNO SAOBRAĆAJNIH NEZGODA</i>	7.117	6.904	+ 213 ili 3,1 %
Saobraćajne nezgode sa nastradalim licima	634	574	+ 60 ili 10,4 %
Saobraćajne nezgode sa materijalnom štetom	6.483	6.330	+ 153 ili 2,4 %
POGINULO LICA	24	23	+ 1 ili 4,3 %
- vozači	7	9	- 2 ili 22,2 %
- putnici	7	7	isto
- pješaci	10	7	+ 3 ili 42,8 %
POVRIJEĐENO LICA	827	730	+ 97 ili 13,3 %
- vozači	358	308	+ 50 ili

			16,2 %
- putnici	284	229	+ 55 ili 24 %
- pješaci	185	193	- 8 ili 4 ,1 %

U periodu januar-septembar 2011. godine, u saobraćajnim nezgodama na području Kantona Sarajevo 851- no lice je nastradalo (98 ili 13 % više). Dvadeset četiri lica su poginula (jedno ili 4,3 % više), dok je 827 lica povrijeđeno (97 ili 13,3 % više), 105 teže i 722 lakše.

Od ukupno 24 poginula lica, 10 je pješaka (tri više), sedam vozača (dva manje) i sedam putnika (isto kao u uporednom periodu).

Četiri lica su naknadno podlegla – dva vozača i dva pješaka.

Deset pješaka poginulo je u saobraćajnim nezgodama koje su se dogodile na području općina: Novo Sarajevo – četiri (u Ulicama B. M. Selimovića, V transverzala, Zmaja od Bosne i na raskrsnici ulica Put života – H. Čemerlića), Centar – dva (u Ulici Alipašina i na raskrsnici ulica Alipašina i Jukićeva), Novi Grad – dva (u Ulici B. M. Selimovića i Kurta Šorka), Ilidža – jedan (u Ulici Dž. Bijedića) i Hadžići – jedan (u Ulici Hadželi).

Sedam vozača poginulo je u saobraćajnim nezgodama koje su se dogodile na području općina: Novi Grad – tri (u Ulicama Dobroševića, Kurta Šorka i B. M. Selimovića), Ilijaš – dva (na magistralnom putu M 18, u mjestu Čevljanovići i na pružnom prelazu u mjestu Lješevu), Centar – jedan (u Ulici Alipašina) i Novo Sarajevo – jedan (na raskrsnici Ulica Zmaja od Bosne i H. Čemerlića).

Sedam putnika poginulo je u saobraćajnim nezgodama koje su se dogodile na području općina: Ilijaš – tri (dva na pružnom prelazu u mjestu Lješevu i jedan u Ulici Mrakovo), Novi Grad – dva (u Ulici IX Transverzala i na raskrsnici ulica B. M. Selimovića i Osmo transverzala), Hadžići – jedan (na magistralnom putu M 17- u mjestu Donji Zovik) i Vogošća – jedan (na magistralnom putu M 18, u mjestu donji Hotonj).

Najkritičnije saobraćajnice za učesnike u saobraćaju bile su: Bulevar Meše Selimovića, gdje su četiri lica poginula (dva pješaka, jedan vozač i jedan putnik) i Alipašina gdje su dva lica poginula (pješač i vozač motocikla).

Od ukupno 827 povrijeđenih lica, 358 je vozača (50 više više), putnika – 284 (55 više) i pješaka -185 (osam mije).

Kada je u pitanju stepen povreda, 48 vozača je teže, a 310 lakše povrijeđeno. Petnaest putnika je teže, a 269 lakše povrijeđeno, dok su 42 pješaka teže i 143 lakše povrijeđena.

Broj nastradalih lica u saobraćajnim nezgodama po kategoriji učesnika  
januar- septembar 2011/2010. godine

	POGINULI			TEŠKO POVRIJEĐENI			LAKŠE POVRIJEĐENI		+,-, %
	2011	2010	+,-,%	2011	2010	+,-,%	2011	2010	
VOZAČI	7	9	- 2 ili 22,2 %	48	38	+ 10 ili 26,3 %	310	270	+ 40 ili 14,8 %

PUTNICI	7	7	isto	15	26	- 11 ili 42,3 %	269	203	+ 66 ili 32,5 %
PJEŠACI	10	7	+ 3 ili 42,8 %	42	48	- 6 ili 12,5 %	143	145	- 2 ili 1,4 %
UKUPNO	24	23	+ 1 ili 4,3 %	105	112	- 7 ili 6,2 %	722	618	+ 104 ili 16,8 %

Najveći broj lica povrijeđenih u saobraćajnim nezgodama evidentiran je na području općina: Novi Grad (173), Centar (164) i Ilidža (161).

Starosna struktura lica povrijeđenih u saobraćajnim nezgodama je sljedeća: od 25 do 30 godina - 170 lica, od 31 do 40 godina - 146 lica, od 21 do 24 godine - 121 lice, od 41 do 50 godina - 104 lica, itd.

Posmatrano po kategorijama puta, najveći broj saobraćajnih nezgoda registrovan je u ulicama u naselju - 5.610 nezgoda gdje su 583 lica nastradala (18 lica poginulo i 565 lica povrijeđeno). Na magistralnim putevima registrovano je 889 saobraćajnih nezgoda u kojima su 163 lica nastradala (dva lica poginula i 161-no lice povrijeđeno), na regionalnim putevima - 294 nezgode (37 povrijeđenih lica), na lokalnim putevima - 171-na nezgoda sa 29 nastradalih (tri lica poginula i 26 lica povrijeđeno) i na putevima koji se ubrajaju u kategoriju ostalih - 153 saobraćajne nezgoda sa 39 nastradalih (jedno lice poginulo i 38 lica povrijeđeno).

### 3.1. UZROCI SAOBRAĆAJNIH NEZGODA

Osim ostalih uzroka (5.921), koji su za posljedicu imali 11 poginulih i 431-no povrijeđeno lice, najčešći uzroci saobraćajnih nezgoda bili su: neprilagođena brzina - 1.008 saobraćajnih nezgoda (sedam lica poginulo i 292 povrijeđena) i uticaj alkohola - 182 (tri lica poginula i 90 povrijeđeno). Uticaj opojnih droga izazvao je četiri saobraćajne nezgode u kojima su tri lica poginula a 14 povrijeđeno, dok je odron na putu izazvao dvije saobraćajne nezgode sa materijalnom štetom.

U sklopu redovnih aktivnosti, službenici policije su u periodu januar-septembar 2011. godine, kontrolisali ukupno 197.600 vozila (7.460 manje), 69.532 lica u vozilima (6.195 manje), izvršili pregled 4.803 vozila (1.015 manje) i 3.715 lica u vozilima (571 manje).

Zbog tehničke neispravnosti, iz saobraćaja je isključeno 328 vozila (116 više), 4.034 vozača su zatečena da upravljaju vozilom pod dejstvom alkohola (43 više), 8.865 bez korištenja sigurnosnog pojasa (801 manje), 1.834 bez položenog vozačkog ispita (192 više), a 2.002 vozača su učestvovala u saobraćaju bez važeće registracije (150 više).

Zbog kršenja propisa iz oblasti sigurnosti saobraćaja uručeno je 115.511 prekršajnih naloga vozačima (11.980 više), podnesena 282 zahtjeva za pokretanje prekršajnog

postupka (2.544 manje) i registrovano 59 krivičnih djela zbog ugrožavanja sigurnosti javnog prometa (14 više).

### 3.3. MIRUJUĆI SAOBRAĆAJ I KONTROLA PJEŠAKA

U periodu januar –septembar 2011. godine, pripadnici Uprave policije su uručili 22.314 prekršajnih naloga vozačima koji nisu poštivali saobraćajne propise prilikom parkiranja (7.839 manje u odnosu na isti period prošle godine), upozorili 4.121-nog vozača (430 više), a specijalnim vozilom „pauk“ premjestili 1.909 vozila (701 više). Zahtjeva za pokretanje prekršajnog postupka nije bilo.

Najveći broj vozača koji su vozila nepropisno parkirali na javnim površinama i prema kojima su preduzimate odgovarajuće sankcije, evidentiran je na području općina Centar i Stari Grad.

U izvještajnom periodu, upozoren je 881 pješak (112 manje) i uručeno 811 prekršajnih naloga pješacima (2.050 manje).

## 4. ZAKONITOST U RADU

U periodu januar- septembar 2011. godine, registrovano je 28 napada na službenu osobu u vršenju poslova sigurnosti (10 više).

U napadima su učestvovala 32 punoljetna lica koja su lišena slobode kao i jedno nepoznato lice.

Službenici policije su tokom izvještajnog perioda 41 put upotrijebili sredstva prinude (osam više).

Tokom perioda januar-septembar 2011. godine, registrovane su 102 predstavke na rad službenika policije za koje je odobreno sprovođenje unutrašnjih istraga (18 manje). Postupano je po 21-noj predstavci iz ranijeg perioda, tako da su vođene ukupno 123 unutrašnje istrage (34 manje).

Okončano je 70 unutrašnjih istraga, među kojima za 39 nije bilo dovoljno dokaza, u 15 slučajeva žalbe su osnovane, u 13 slučajeva neosnovane i u tri slučaja stranka je odustala od žalbe.

Takođe, uz saglasnost Ureda za pritužbe javnosti MUP-a Kantona Sarajevo postupano je i po 253 razna akta koji nisu imali karakter predstavke.

## 5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U periodu januar – septembar 2011. godine evidentirano je 65 krivičnih djela koja su regulisana Zakonom o nabavljanju, držanju i nošenju oružja i municije (24 više), počinjenih od strane 90 izvršilaca, od kojih je 30 lišeno slobode.

Od strane Policijskih uprava fizičkim licima izdato je 575 odobrenja za nabavku vatrenog oružja (128 ili 18,2% manje), 669 oružnih listova i izvršene 232 zamjene oružnih listova za fizička lica.



U sklopu aktivnosti na oduzimanju nelegalno posjedovanog oružja i drugih predmeta oduzeto je: 18 pušaka, 72 pištolja, 104 noža i druga oštra predmeta, 14 boksera, 1.472 kom. municije različitog kalibra, 632 petarde, itd.

Takođe, u ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovali u realizaciji akcije "ŽETVA 2011" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ✓ ručne bombe – 119 komada,
- ✓ pištolji – 19 kom.,
- ✓ puške – dva kom.,
- ✓ mine, granate, trombloni i slično - 51 kom.,
- ✓ municija - 1.425 komada raznog kalibra, itd.

## **6. RAD POLICIJE U ZAJEDNICI**

U cilju razvijanja pozitivnog odnosa između policije i lokalne uprave, društvenih grupa i zajednice u cjelini, službenici policije su i tokom perioda januar-septembar 2011. godine preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, nevladinim organizacijama, raznim udruženjima građana, predstavnicima vjerskih zajednica, školama i dr.

Organizovane su i realizovane aktivnosti cilju nastavka realizacije kampanje „Civilna hrabrost“ koja se provodi zajedno sa Ministarstvom obrazovanja i nauke Kantona Sarajevo i MUP-a KS u Osnovnim školama na području Kantona Sarajevo, a u cilju dostavljanja i distribuiranja promotivnog i edukacijskog materijala predstavnicima škola. Takođe, ostvareni su kontakti sa članovima državnog tima za izradu i koordiniranje provođenja „Strategije za rad policije u zajednici u BiH“ MUP-a FBiH i MUP-a HN/KŽ sa ciljem sagledavanja nivoa implementacije na području Kantona Sarajevo i potrebe za dodatnim usaglašavanjima.

U proteklom periodu nastavljena je saradnja sa predstavnicima UNDP-a u BiH u cilju provođenja priprema na preuzimanju projekta Rad policije u zajednici u BiH od strane UNDP-a, izvršena analiza izvještaja o provođenju RPZ u policijskim upravama MUP-a Kantona Sarajevo i davanje primjedbi i sugestija RPZ policajcima, te druge aktivnosti u sklopu Rada policije u zajednici.

Takođe, obavljena je posjeta Savezu općina i gradova FBiH, sa ciljem prikupljanja materijala o povezivanju lokalnih zajednica u rješavanju problema, ostvarena saradnja sa Sportskim savezom Kantona Sarajevo u cilju organizacije manifestacije „Trka Vivicita“ provedene su aktivnosti na realizaciji kampanje „Jači, Brži, Bolji“ u kojima su između ostalih učestvovali učenici i nastavnici osnovnih i srednjih škola, itd.

Organizovano je aktivno sudjelovanje u održavanju 8. Kid's festivala u vidu učestvovanja na u Kid's paradi, pripremanju radnih tačaka, svakodnevnim izvođenjem edukacijskih sadržaja sa ukupno 27 organiziranih grupa iz BiH-a, kao i sa pojedinačnim posjetiteljima. Održana je javna tribina na temu „Lokalna rješenja za lokalne probleme“, na kojoj su osim predstavnika MUP-a Kantona Sarajevo, učestvovali i predstavnici policije ST.

Gallena iz Švicarske, UNDP-a, Fakulteta kriminalistike i kriminologije, kao i predstavnici općina i drugih institucija na lokalnom nivou sa područja Federacije. Među brojnim aktivnostima, može se između ostalog, izdvojiti angažovanje službenika policije Treće policijske uprave na organizaciji druženja/izleta za štíćenike nevladinih udruženja, te učesće ove policijske uprave u projektu Sarajevo Human Library.

Sarajevo, 01.11.2011.godine

Odsjek za odnose s javnošću  
MUP-a Kantona Sarajevo